



Broj: 01.10-04-53704-64/25
Sarajevo, 12.12.2025. godine

Skupština Kantona Sarajevo
n/r Predsjedavajući Skupštine Kantona Sarajevo

Predmet: Odgovor na zastupničku inicijativu Marijele Hašimbegović (10) - dostavlja se
Veza: akt Skupštine Kantona Sarajevo broj: 01-04-53704-10/25 od 14.11.2025. godine

Poštovani,

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo zaprimilo je vaš akt broj: 01-04-53704-10/25 od 14.11.2025. godine sa zastupničkom inicijativom zastupnice u Skupštini Kantona Sarajevo Marijele Hašimbegović na nadležno postupanje. Zastupnica u Skupštini Kantona Sarajevo, Marijela Hašimbegović, je na 26. radnoj sjednici Skupštine Kantona Sarajevo, održanoj dana 14.11.2025.godine, u skladu sa članom 213. stav (1) Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 – Ispravka i 47/24) uputila zastupničku inicijativu "Radi priključenja naselja Gornje Vlakovo na gradsku vodovodnu mrežu".

Odgovor zastupnici:

Ovo ministarstvo je aktom broj:05.10-21-51989-2/25 od 07.11.2025.godine, uputilo KJKP "Vodovod i kanalizacija" d.o.o. Sarajevo zahtjev za izjašnjenje u vezi snadbijevanja vodom građana naselja Gornje Vlakovo. Navedene preduzeće je aktom broj: 9109/25 od 28.11.2025.godine, dostavilo traženo izjašnjenje u koje navodi sljedeće:

1.KJKP „Vodovod i Kanalizacija“ d.o.o. Sarajevo je upoznato sa zahtjevom građana naselja Gornje Vlakovo za rješavanje vodosnabdijevanja naselja, obzirom na ranije zahtjeve, te pokrenute aktivnosti Općine Ilidža na izradi projektne dokumentacije.

Aktivnosti na rješavanju vodosnabdijevanja naselja pokreće općina a KJKP „Vodovod i Kanalizacija“ d.o.o. Sarajevo učestvuje u dijelu davanja mišljenja i saglasnosti na projektnu dokumentaciju, te da li je ista u skladu sa propisanim tehničkim uslovima za projektovanje i izvođenje javne vodovodne mreže u nadležnosti KJKP „Vodovod i Kanalizacija“ d.o.o. Sarajevo. Shodno Zakonu o prostornom uređenju Kantona Sarajevo (Službene novine KS, broj: 24/17) uređenje građevinskog zemljišta vrši općina, kao i pokretanje izrade detaljne planske dokumentacije kao nosilac pripreme, dok je nosilac izrade Zavod za planiranje razvoja Kantona Sarajevo.

Nakon izgradnje vodovodnih objekata i mreže KJKP „Vodovod i Kanalizacija“ d.o.o. Sarajevo istu preuzima na upravljanje i održavanje.

2. Obzirom na postojeću izgrađenost vodovodnog sistema ne postoji mogućnost snabdijevanja naselja Gornje Vlakovo. Za rješavanje vodosnabdijevanje naselja, kako smo i ranije naveli, potrebno je da općina pokrene aktivnosti na izradi detaljne planske dokumentacije kojom će se sistemski riješiti vodosnabdijevanje predmetnog lokaliteta i šire izgradnjom vodovodnih objekata potrebnog kapaciteta a ne parcijalno za određeni lokalitet čime se onemogućava dalje razvijanje mreže. Planskom dokumentacijom se definiše obuhvat, koncept vodosnabdijevanja, te aproksimativno dimenzionisanje vodovodnih objekata i glavnih cjevovoda, kako bi se moglo pristupiti izradi detaljne projektne dokumentacije.

3. Priključenje objekata na javnu vodovodnu mrežu se vrši shodno Uredbi o opštim uslovima za snabdijevanje vodom za piće, obradu i odvođenje otpadnih i atmosferskih voda (Službene novine KS, broj: 22/16). Troškove priključenja snosi vlasnik objekta.

Ako se priključenje individualnih objekata vrši u sklopu projekta izgradnje javne vodovodne mreže a čiji je nosilac općina, priključenje na novopoloženi cjevovod vrši se na osnovu zvaničnog spiska koji općina dostavlja KJKP „Vodovod i Kanalizacija“ d.o.o. Sarajevo, a troškove priključenja vlasnici objekata regulišu sa općinom.

Shodno Uredbi, prije priključenja na vodovodni sistem potrebno je da objekat prethodno bude priključen na propisno izgrađen kanalizacioni sistem ili da ima propisno izgrađenu septičku jamu.

4. Na osnovu izrađene projektne dokumentacije može se dati projektantska procjena vrijednosti investicije.

5. Izvorište Djevojačke vode kao i izgrađeni objekti i vodovodna mreža u okviru ovog sistema, koji prema Uredbi, član 14, spadaju u posebne vodovode, nisu u nadležnosti KJKP „Vodovod i kanalizacija“ d.o.o. Sarajevo, te naše preduzeće nije nadležno za kontrolu zdravstvene ispravnosti vode istog. Shodno Uredbi, posebni vodovodi su samostalni objekti, postrojenja, oprema i vodovodna mreža, sa vlastitim zahvatom vode koji služe za snabdijevanje vodom pojedinih lokaliteta, koji iz tehničkih ili drugih razloga ne mogu biti priključeni na centralni vodovodni sistem.

Shodno Uredbi, član 15, nakon priključenja na centralni vodovodni sistem zabranjeno je korištenje vode iz posebnog vodovoda.

Shodno Zakonu o vodama Kantona Sarajevo i izmjenama i dopunama istog (Službene novine KS, broj: 18/10, 43/16, 44/22), obzirom da postojeći sistem služi za vodosnabdijevanje više od 50 stanovnika je općinski ili mjesni vodovod i obaveze upravljanja istim su definisane ovim Zakonom.

S poštovanjem


MINISTAR
Mladen Pandurević

Dostaviti:

1. Naslovu,
2. Stručnoj službi Vlade Kantona Sarajevo - na znanje,
3. Koordinatoru izrade odgovora na zastupnička pitanja / inicijative - na znanje,
4. Evidencija,
5. Arhiva.